

呂祖全書

乙巳仲冬
萬德至善社重刊

呂祖全書前八品經小序

自青牛去而佞學著。白馬來而佛教興。以故儒書之外。復有釋典丹經。無非誘掖斯世。以慎守其道心。洗滌夫人心而已。然佛仙之書。亦自各立門戶爲一家言。於二帝三王之道。固已千岐萬派矣。誰復有窮源索本。而歸於一者乎。惟呂祖會三教之旨。闡爲諸經。八品其發硯也。一二品著於廣陵。三四品著於金陵。五品著於毘陵。六七品著於信州。八品著於臨江。地更五處。時歷數年。想見其演之不易。惟其心之慈。願之宏。志之堅確。夫是以卒底於成。此經多沈鬱謹嚴。不以後此所演諸經之暢。而實包孕諸經。胚胎衆品。如泉出山而勢將放海。如筭解籜而氣已干霄。惟理原一貫。旨本同歸。三

教不必殊途。諸經又焉異致。而曲學下乘旁門。各樹赤幟。互相譏詆者。其亦可以廢然而返矣。

呂祖全書卷之九

重刻八品仙經原序

不佞受性恬簡。有志於道。居恆虔奉呂祖。凡有所爲。必以告。師亦鑒予之誠。往往降筭。示以規訓。贈以歌詩。其語初似祕。而事至無不曉然符契者。及滇守之遷。一日箕忽有所命。謂疇昔所著仙經。前後共八品。業已梓之廣陵。但其傳未廣。子今守滇。滇爲古六詔地。夷漢雜處。民性羯音結羸音死罔知禮義王化。日尋干戈。以戕其生。朽骨腐。鬱爲腥膻。以致上觸帝罰。子序是經而廣其傳。其爲利益甚溥。余時敬諾

。夫道盡之易。而意盡之於陰陽。嗣後黃帝與蚩音鴟尤
戰於涿鹿。九天玄女。授以太上道君所撰陰符經。
猶龍公時度函關爲令尹喜所勉。而爲之撰道德經。二
經其勢若險而趨甚平。辭若偏而蓄甚完。再後有叅同
契。原本於易。推廣二聖人之旨而奧言之。莫可涯涘
。晚而又有悟真篇。諄諄爲銘汞龍虎嬰兒姤女之說。
其幡然悟者。以爲身中之坎離。其罔然迷者。遂流而
爲黃白採鍊之術。枝蔓音萬不根。張皇過實。道豈如是
哉。今茲八品。主於道而輔之以儒釋。其體用頗合乎
中庸。其指歸無異乎楞嚴圓覺。由淺而深。由外而內
。由顯而微。由五行而萬物。由倫常日用而身心性命
。無所不該。無所不晰。高不可揆。深不可原。闡之

而彰三光。舒之而彌六合。隨之而不見其後。迎之而不見其前。廣矣大矣。恍兮惚兮。罔能窮其象物。而洞其淵微。無論悟真。駸駸乎追躅叅同而媲美之。遊方之內者。玩繹而有得於是。則將忠君孝親。遵禮法。去凶暴。篤於自修。以養其名。遊方之外者。玩繹而有得於是。則將息慮絕欲。鍊精氣。勤吐納。專於內守。以養其神。此之謂不虛生。此之謂長生。此之謂無生。三教合一而萬里無虧。道不擇地。地不擇人。不越乎衣冠文物之倫。烏言卉服之衆。而儼如東華乎佑。駕雲駢而臨教之。大暢佺風。一洗陋俗豈小補云乎哉。然揣本而後齊末。原始而後要終。則今日之刊布流通。尤所致意於方之內。蓋方內者。方外之基

也。抱樸子云。求仙要當以忠孝和順仁信爲本。若德不修。而但務方術。終不得長生。有客從旁笑曰。子大夫辨矣。將無以神道設教乎。余退然不敢仕。萬曆甲寅歲冬月還陽道人趙性粹書於滇中之澄懷軒。

合刻八品仙經原序

此序係初合刻八品仙經原序尚未分定品目時

八品仙經。蓋純陽呂祖之箕著也。其一二品授於廣陵三四品授於金陵。五品授於昆皮音陵。六七品授於信州。

。八品授於臨江。仍諭授經衆信。存以俟取。至是乃命廣陵童啓佺子。普取梓布。李子序之。經至。啓佺彙錄。更祈仙姑何祖。紫陽張祖箕校。梓於萬店集仙樓。陽乃重加讐訂。稽首作禮而序曰。大哉品經乎。其括丹經。剖佺蘊。剔皇猷。艤音道筏。要原終始。

宗貫天人。罔弗悉備。洵世之貞符。修仙之要道也。於稽其概。可以徵設教之神焉。可以覘翊治之隆焉。可以覩功德之盛焉。可以會三教之歸焉。可以覈音正邪之辨焉。可以證修煉之秘焉。何也。蓋神不可以方所測。故感自疾而應益顯。信不可以遐邇窒。故孚自溥而化益光。是故祖師品經。不一人一方畀。而五陵多士畀者。正以彰大道爲公之兆。寓中孚起信之機爾。故曰可以徵設教之神。昔羲黃堯舜。神化宜民。垂拱而治。是故玄元太極五行品。首表我太祖高皇帝聖諭。配揚玉帝天尊。闡化妙旨。使人曉然知遷善以弭音災。積德以致福。養性以合真。而助國佑民。默贊無爲之化莫茂焉。故曰可以覘翊治之隆。昔玄聖化形

演經。大士分身說法。是故祖師痼瘵愚盲。曲垂接引。或以夢示。或以形諭。或以筭演。紀載不足以盡之。迨茲品經。則又媿休雲笈普門。功德尤爲罔極。故曰可以覩功德之盛。夫道一而已矣。初無有三教之分也。昔我老猶龍。宣聖竊比。象教未東。列子預述。夫何其徒。各相護持不相下。非矣。是故品經。博援儒釋之精微。發揮道源之奧妙。而殊途同歸之義彌昭。故曰可以會三教之歸。且道有正宗。宗有佷祕。祕有真詮。自旁門起。而邪淆正。妄紊直矣。是故品經廊真闢妄。標正祛音區邪。明而嚴。詳而確。學者據品叅詮。循詮探秘。握祕歸宗。即旁門烏得而眩諸。故曰可以覈邪正之辨。夫大道未易以明言。至人兼難於

邁識。况丹鉛玄機。託譬既多稱名轉浩。口訣隱語。臆中爲艱。是故誦法品經。自爾心領意會。觸類通解。豁若闕開鍵啓而直達堂奧矣。故曰可以證修煉之秘。雖然。載道者經也。闡道者人也。祖師著經以訓世。而人不能法經以修仙。寧不有負普度之德意哉。苟人人信受。不徒誦覽而是訓是行。則人人脫苦海。登道岸。超躋仙境。而祖師之惓惓軫望始慰。善哉童子。衛道之功。與經同其廣遠。而壽祉允祚繁衍如之矣。若孫得富侍箕藏法。朱霓奉道受經。咸與有功。故并及之。其諸受經善信。具在品中不更贅。時萬曆己丑三月廣陵弟子啓真博微李應陽謹撰。

呂祖全書卷之九

八品仙經自序

校係經始末非專序演經

仙經著於五陵古矣。大旨宗貫三家。匯音毀歸萬理。諭教忠孝。勸勉德功。無不裨益王化。協贊天工。自身而家。自家而國。斯之推也。由博而簡。由顯而密。斯之用也。詣於神化之極。不越夫格致誠正為歸。此著經五陵之義也。大道爛然。周行坦率。本非隱怪譎異之書。不近禍福告禳之典。其知微也。窮精達化。上昇天京。其致治也。垂拱端默。刑措無為。其潛養也。修身靜慮。退志恬頤。豈曰行香念經。然後拜典。篤信於愚夫愚婦。

之倫。是故上士悟之以幾神。中士修之以入道。下士得之以延年。義理混茫。氣神灑博。寧不可以壽於天地間乎。傳經後。或於雕蟲鏤音漏魚之際。未無鳥跡如烏。狐近於孤之類。昔固費何張二真所正。正之固亦屹音窟確。而今迺大訂焉。五陵異地殊訓。猶曰創草。卷之不次者。於今次之。品之不第者。於今第之。猶虞世邈音漢時遙。以訛授訛。復如舊日之淆吾梓也。如君王曰君親。神敗曰神沃。太王曰文王。武鄉曰武卿。任心不了。曰在心不了。何匪修持。曰何必修持。凡是類者。不啻什伯。皆何張正之之後。而再誤之者也。大可憂者。雜學曲派之流。蕪言以摹吾經。英異魂爽之輩。偽說以攙吾典。赤輪行空。普照羣族。天地至大。包含萬物。固弗與

競。能無懼乎。謂天之文。日月星辰。露雷風雨。雲霞
霓電。謂地之文。山嶽海瀆。飛走潛植。宇舍荒維。謂
人之文。仁義禮智。忠孝信誠。衣服飲食。三才之所以
亘綿於長久者。蓋以恒也。至理之外。更無餘理。繁言
之末。安贅多言。是以孔孟之後。不復有孔孟之書。老
莊既往。不更聞老莊之語。吾著仙經而大訂之。詎重編
累牘。而數數與人間言乎。即何張正後。突云須候酉年
酉月酉日酉時。起首入室。吾因笑曰。幾箇人生百歲延
。回頭迅速在當前。愛河慾海無邊苦。安忍遲遲待酉年
。是誠旁門異徑騁驅踵趾。冒昧天垣。靈爽行遊。縱箕
舞舌。亂我典彝。當有叛道背教之誅。雖曰避於明刑。
實難逃乎陰罰與。適以復誠子上。兒時_音剗股活母。嗣

是父罹音離於災。過慟失明。吾因感而降之。以復其明焉。
。即授以語錄一集。雪過修真仙懺一卷。斗光度厄護命。
大神咒一帙。仙經亦於焉丕定。授畢。吾遂不復至矣。
是卷次已定。朗若日星。品第已分。屹如衡岱。苟易吾言。
。毀經滅教者。是經云。如有毀經滅教之人。城隍里社。
。檢舉以聞。雷火二部。即加報應。豈有爽耶。信受奉。
行。守而勿失。禮誦解悟。修而勿怠。廣宣教法。大振。
佞風。則人入道之志不惑。而我衛道之力不孤。是言也。
。亦宜與八品合傳。以警夫後之纂經者云。天啓丙寅之。
歲。正月上元日。孚佑帝君自序。

八品圖象

第六七品無圖




第一品圖



第三品圖



第五品圖



前八品仙經開偈
 稽首皈依三教主
 天雷上相號純陽
 行功圓滿周三
 界。願力宏深徧十方
 寶劍威光殄崇滅
 金丹至道鬼

神降。飛昇上聖真詮笈。普濟羣迷妙法航。散禍消災求度厄。至心皈命誦佉章。

太上呂祖開天皇極證真闔洞妙經上卷他本無洞

太極化育品第一他品目俱係呂祖訂正

爾時爾時有二義一則敘述奉命開闡之由如云彼時一則正指說經之時如後文爾時真人曰之類是也

玉皇至尊。在兜率凌霄天宮。同瑤池聖母。演說開天皇

極普濟妙法。五老帝君。偕十州三島五嶽四瀆三界真仙

。咸集左右。聽說妙法。是時東嶽帝君。出班奏曰。昔

有天符下降。為因衆生背逆君王。作者非親欺凌父母。染

貪塵欲。婪音酷利名。奸盜邪淫。穢污濁亂。人我互執

。骨肉忿爭。特勅報折子孫。釁災地土。遵旨抄錄部洲

。天喪痲痘流行。百千萬億。旱澇稼穡。十損七八。罪

重者殲尖音嗣。罪輕者疾瘟。冤魂盈司。莫能救拔。饑饉
載道。日不聊生。如斯罪報。衆生仍不修省。業網愆尤
。伏望慈尊。哀憐愚昧。救大苦惱。佈頌恩命。轉禍成祥
。令皈依正道。離諸障礙。人無橫夭。國泰年豐。庶滯
魂賴以超昇。則疾疫仰而清泰。俾令天清地寧。物阜和
平。玉帝聞曰。善哉善哉。塵寰污濁。惡貫乾坤。天地
轉輪。報及障業。因迷正道。故作愆過。勅令仙曹得道
呂真人下界。大闡玄微。開悟盲聾。諭講太極大道。滌
蕩世界塵氛。咸使改邪歸正。吾奉至尊無爲妙旨。拯救
生靈。人間看誦者。能釋幽冤宿苦。善解在世愆尤。悉
化君正臣直。父慈子孝兄弟和睦。互愛六親。禮義不失
。家道清寧。衆等肅誠。諦聽吾教。太極無形。先天地

生。氣神合並。混一鴻濛。一氣既動。動而履陽。其卦應乾。動極復靜。靜而生陰。其卦應坤。輕清上浮。乾道曰天。重濁下凝。坤道曰地。夫天者。天運不息。氣旋如環。夫地者。地定以靜。風勁而載。天地互附。體用以全。天依於地。地依於天。日者。陽氣積而精外明也。月者。陰氣積而魄含景也。陰陽之理。悉係於易。璇璣之要。經緯存焉。此天地化工之變也。六十卦象。一倒一正。一降一升。升而合陽。降而符陰。修丹之士。演卦屯音肫蒙。屯卦升陽。蒙卦符陰。火有上下。及正須明。陰陽之奧。晦朔之分。子亥初交。丹結之靈。任督二脉。陰陽之精。通暢百脉。流轉一身。自然而然。非能之神。水火二炁。上下之分。足抵湧泉。二氣之根。

升入尾閭。廬音符合兩君。一水一火。右命左精。上升夾脊。雙闕貫通。達此泥丸。而返明堂。默灌五宮。上重樓中。直往絳庭。復流丹府。晝夜不息。難以壅停。眞火無候。大藥無斤。以神馭氣。至道乃成。人稟三才。體全太極。心先天地。廊徹圓通。本性虛湛。用運冲和。神化自然。綿綿忘情。觀天之道。執天之行。精化爲氣。氣化爲神。鍊神還虛。號之長生。衆生不悟。迷亂七情。喜怒哀樂。神喪於形。悖忤綱常。違逆彝倫。因溺慾浪。種種不仁。子不孝父。臣不忠君。兄不愛弟。弟不敬兄。婦不順夫。友不信朋。仁義乖張。形神不靈。虛浮詐僞。剛狠自矜。貢高我慢。護己挫人。以致上帝震怒。罪釁災迤。稼穡不收。骨肉飄零。橫亡夭死。

水火瘟刑。尚不知省。怨恨神明。愚頑愆重。勅吾降臨。
。闡教開宗。說法度生。各宜修省。誠一於心。忠孝義
慈。積德累功。痛返前非。改過自新。靜而悟道。默而
養神。吾傳至理。宏示天人。若能參覺。頓超苦輪。吾
憐衆溺。屢化身形。遍巡宇宙。普度羣生。此經首品。
畧演修因。後著七品。爲大梁津。信受皈依。名列天庭。
。覺之者靈。謗之者轟。悟之者證果於仙籍。傳之者利
益三生。皇極聖道。勿視以輕。助之者增福延壽。滅之
者永墮幽冥。天神鑒察。報應昭明。齋戒禮誦。萬神咸
欽。城隍里社。遵教奉行。在壇衆生。歡喜信受。作禮
而退。

五行端孝品第二

他本五行元太極
仙本五行元太極
經本五行元太極
作本五行元太極
行本五行元太極
品本五行元太極
者本五行元太極
非本五行元太極

爾時純陽呂真人曰。吾因往昔。心存於道。隨形托化。未嘗迷根逐性。固不失其本源。難逢至訣。身世浮沉。累受累修。積功積德。誓行孝弟忠義仁慈。後遇東華帝君。遂聞大道。飛昇金闕。證聖成真。憐諸苦惱。遊行三界。普濟羣生。近有天旨。勅度業海音萌。但貪名逐利者多。證聖修真者少。邈視人輕。惟懷己勝。性如狼虎。噬毒尤加。心口置於兩途。機謀狗於萬種。染欲者萬億。惜命者幾何。吾聞太上曰。吾有三寶。保而持之。一曰慈。二曰儉。三曰不敢爲天下先。故慈能勇。以儉能廣。不敢爲天下先。而能成其器。所謂真者。虛心絕慮。保氣養精。應物而不存於物。養虛而體於虛空。情意了然。厥修元始。六闕嚴守。一息恒存。氣神不

竭。神氣相溶。伏其氣於臍下。守其神於身中。神氣孚
合。闕列音捩音開通。爾口說道。道居何處。心不忘道。道
已得焉。體聖賢心。行聖賢事。方爲道矣。吾承恩命。
接引衆生。慧照汝等。尚不信受。妄行智巧。播弄奸頑
。掩詐雜真。真難領悟。可見浮生。無有仁德。吾體天
地之心爲心。但願羣迷。普修慈善。冥心注神。神與氣
符。伏膺元氣。勿喪三般。今爲衆生。開演易理。喻以
前聖。而譬曉佞微。見易包於道。道包於易。採而行之
。潛而修之。默而守之。勤而鍊之。則神昇紫府。位列
仙班。乾坤混合。易象如斯。一氣既判。兩儀之源。窮
神知化。周匝環綿。知微知彰。隱顯難言。絡繹不絕。
光範太玄。自矜不長。惟曲可全。守道以訥。任兌必愆。

。致中抱一。履和而謙。以卑而積。以柔而堅。心動爲
意。意轉情牽。情牽著妄。妄引多愆。夫人之情也。見
物如虎之逐。人之意也。見物如龍之纏。動心不滅。照
心難圓。命在於腎。性屬於乾。心凝爲神。神靜爲性。
窮理盡性。混茫無端。神歸無爲。煉煅三元。視而不見
。聽而不諠。言而無聲。萬慮俱捐。五行之道。水大化
焉。水火相洽。水火相兼。火中有土。水中有焰。火既
生土。三姓以全。以土制水。水溢必旋。導水濟火。水
火交歡。金木合併。氣神相連。金情木性。驅煉膠粘。
中宵漏永。光透重簾。溫和頤養。升汞降鉛。金浮木墜
。赤日當天。火要水濟。水賴火炎。以柔制剛。剛柔連
綿。煉成一塊。非汞非鉛。能升能降。號曰胎仙。運火

鍊藥。神與氣纏。以火喻神。以炁喻藥。以神合氣。氣足神全。河車之數。運氣周天。心息相依。腹存目蠲。戊土從坎。進之陽火。已土從離。退之陰符。進合與退。舍之太佞。元海之竅。循之泥丸。五炁混合。萬象朝天。時人不識。附會亂傳。人道未了。仙道難全。別作詮非欲修真道。人道合仙。叅而行之。仙聖同肩。受形父母。體合情緣。移神脫氣。朔晦嬋娟。二氣相資。龜蛇盤旋。混聚凝結。包胎是全。溫養十月。符體先天。劈開混沌。顯象燦然。懷育乳哺。母形羸煎。子漸養成。體固神完。脫氣化育。罔極昊天。所云脫化。妙理幽玄。胎元之道。符合坤乾。陽施陰受。情性交連。今世迷途。疑徒散內溺外。七情惜憐。六根頓壞。失本忘真。不

知警戒。火燥水崩。氣離神敗。

別作沃

顧子恤妻。掌中珠

愛。父母洪恩。眼中塵礙。不孝悖逆。罪愆廣大。汝既

惜子。當惜父母。汝若孝親。子亦孝汝。汝不敬親。子

亦違忤。父母哀顏。電光草露。感氣受形。當思乳哺。

吾今垂經。首孝爲務。五行之先。百行之路。順其志願

。天神擁護。活祖不叅。歲月空度。不孝之輩。身劈雷

部。報應昭明。速當醒悟。暗室可欺於心。神明難以掩

佈。欲學仙道長生。先修人道爲務。易曰音充懂音充往來。

朋從爾思。氣和乃神之衢。精化乃藥之務。還精補腦。

如濛如霧。以無生有。世罕修也。天形何以長。門樞何

不蠹。內照慧寶光。燦燦明珠府。衆生所以不能悉心領

悟者。由乎情著於物。思別作恩迷於愛也。若致柔以怡。

迴骸反視。則道斯存矣。廣成子曰。無視無聽。抱神以靜。詩曰。上天之載。無聲無臭。西方學曰。無智無得。無所得故。他本此下有如電如霧應作如是觀者非太上曰。反者道之動。弱者道之用。大音希聲。大象無形。俗人昭昭。我獨若昏。夫天地之所以長久者。以其不自生也。大哉聖賢之言乎。論語有曰。毋必毋固。孟子有曰。勿忘勿助。皆存神馭氣之階也。今人不自知耳。養氣之道。要在綿綿。譬如流水之曲暢。恍若飛雲之凌空。猶似圓珠之滾盤。悉如嬰兒之無我。中庸曰。闇然日章。壁經曰。其心休休。夫豈皆謬語哉。今古聖賢。若車同軌。世俗無知。妄分三教。不識千燈處一室共明。萬法循一理共聖。不參至理佞微。妄執是非人我。尋枝摘葉。鼓舌誇唇。

逞臂著迷。盲修瞎煉。後之學者。盡被鼓引而不悟也。但願衆生。精進於道。實心於誠。莫泥去聲於象。莫著於

文。尊師親友。虛已以敬。默然悟之。長生可躋矣。即

咒說曰。北一天地精。普化於萬靈。乾坤鹿轉軸。龍虎

潛真踪。六魔以消蕩。三元景燦明。烏兔結中谷。龜蛇

盤內庭。遊行超宇宙。掌握回死生。驅掣雷電光。鬼怪

悉潛形。敢有違逆者。劈體如纖塵。慧光所照處。災厄

悉和平。敬受而誦讀。名奏於天宮。真人說經已畢。時

有祥雲香靄。瑞氣盤旋。鶴馭碧空。師回駕已。衆等悉

皆稽首俯伏。作禮信受而退。

已上二品著於廣陵

誠悌導引品第三

他本誠悌上非廣慧二字者非

爾時純陽仙師。告金陵大衆曰。吾因鶴城徐氏。久在空

門。實踐樂施。致身顛沛。年逾七十。道心不退。雖無
冲舉。亦有深功。因承玉音。命度蒼生。慧照乾坤。感
誠降彼。已說太上皇極一品二品化育之機。但彼處衆生
。貢高我慢。妒音豆嫉貪瞋。屢以善道化之。羣生執著不
了。取有二三闡法。皆不體吾普濟爲念。各懷私室別作
作逞高能。善言慈誨。不勸於人。以教外虛浮。矜誇於
己。未得仙地。妄絕人言。可嘆可喟。行吾道者。積功
修德。勸善化惡。講教忠孝。勵勉信誠。以氣致柔。從
容中道。明無人非。幽無鬼責。和乎衆性。循理民情。以
道義行仁慈。利物濟生。愍貧恤苦。慈悲惻隱。澤及
昆蟲。至於草木。不可傷殘。憫人凶。恤人苦。放生戒
殺。捨大慈悲。行方便心。勝如齋戒。體天地德。何匪

修持。行吾道者。如遇不善之人。以德以理化之。苟弗
依善而執拗者。必當和氣怡顏以接。所以宣聖循循然善
誘。人婁師德唾面自乾。干音何曾瞋怒。若克己泰而不驕
。彼必化惡歸善。乃闡教之功。設使不教民戰。是謂棄
之。焉無罪哉。如遇敬道之人。以恩以善結之。苟錯行
道而偏著者。亦別作當引解聖經以悟。所以君子近者。
悅遠者來。周太別作王從者如市。皆因德惠。若盡已和
而不同。彼必皈正起敬。乃闡教之仁。設使顛而不扶。
心何忍哉。豈不愆歟。天下之人。有教無類。爲師作傳
。當以忠恕敬肅。順氣怡顏。義以爲質。禮以行之。遜
以接之。信以成之。深則厲。厲則難從。淺則揭。揭則
生亂。言不重。則不威。至哉守一。心平氣和。氣和神

暢。神暢體舒。浩然天地。俯仰無愧。翕音吸然性情。不離體用。存真一心。超真一道。吾聞太上曰。先天而生。生而無形。後天而存。存而無體。靜爲之性。心在其中。動爲之心。性在其中。心生性滅。心滅性現。如空無相。湛然常滿。夫大道無象。内存於有。真性無外。不生其心。居境忘境。無象以存。守乎無體。固蒂深根。養於天真。若忘若存。精以合氣。氣以合神。太上曰。神以形生。精以氣盈。知其神氣。可以長生。引先聖語。以合三教。非妄枝葉。以誤羣生。若能頓悟。可保真形。吾因傳經。維揚誑傲。故示教於金陵。以忠信品。普化羣生。不願持齋。惟願信心。齋之謂齋。以齋於心。心不修持。齋胡爲功。只知戒口。罔知戒心。即心

是道。堅守勿輕。爾等待壇。各有宿因。得聞斯道。以
靜塵心。塵慾克盡。大道昭明。仍取毘陵五品佺文。合
品傳揚。易換品經。敬而持之。吾當降靈。語維揚衆。
各改瞋心。毋蹈前非。枉費修因。若懷種子。必加罪懲。
。信心敬受。必獲超昇。道沒窮富。勸勿擇人。言有必
無。知真未真。修道之人。心無毫塵。得道之士。行多
隱貧。道非財授。授傳信人。以利求吾。吾可以聞。虛
己覓道。聖必顯靈。勿作人師。將人視輕。阻人叅修。
報殃滅門。善言當喻。誣話休論。被褐懷玉。反於虔可
量人。故太上曰。見小曰明。守柔曰剛。用其剛而復其
明。無遺身殃。夫無爲故無敗。無執故無失。臯陶稱舜
。御衆以寬。仲虺贊湯。克寬克仁。若矜然無乖戾。羣

然無阿比。躬自厚而薄責人。斯近道矣。故聖人修身以道。修道以仁。嘉善以矜不能。至道斯凝。柔於遠人。天下歸仁。以贊天地化育。而參三才。今學佞者。外丹搬弄四黃。內丹止於功坐。不思五金非八石之母。幻身非先天之道。所以燕不生鳳。狐不乳馬。幻身作養。以砒音批礪音魯行持。非真父母。氣不相接。神不相投。安能煉外而養內也。夫六魔滅而六道存。三尸斬而三光現。不離乎身非著於身。今悟叅者。以爲坐得。夜坐日卧。何以煉形。十二時中行而勿失。以神馭氣。以氣運精。精不及役形。不於情生。情不動移。精不溺崩。精非有生。因情而生。以精合氣。和翕天真。天真非真。真以強名。懷人我念。豈爲道心。行道之士。體天地心。曰

儒曰釋曰道。三教非離於心。儒以謙和。釋以忍辱。佗
以致柔。精氣神非柔莫得。戒定慧非忍莫守。仁義德非
和莫涵。術別作非柔忍和厥中乃成。中者性也。性本乎善。
進乎陽火。以情伏性。退乎陰符。以性歸情。所謂性者
。木也。汞也。神也。火也。龍也。蛇也。所云情者。
金也。鉛也。精也。水也。虎也。龜也。皆譬語也。以
神運精。則精化氣。以金尅木。則木成材。驅龍就虎。
龍虎交歡。以心伏身。心身翕泰。以情歸性。情性和溶
。以鉛歸汞。汞鉛膠漆。以龜絡蛇。龜蛇盤旋。非口口
傳。皆強猜也。儒所以行。釋所以寂。佗所以存。寂者
。寂於生老病苦死。指幻寂也。行者。行仁義禮智信。
指行政也。存者。存金木水火土。存乎神也。生老病苦

死以寂之。仁義禮智信以行之。金木水火土以存之。物
生於土而喪於土。人生於氣而喪於氣。能淨土。能養氣
。佺可叅矣。即說偈曰。大哉佺真。水火相勻。以情歸
性。非著貪瞋。虛無妙道。配合天心。此天心者。非血
肉心。厥一以真。勿二以傾。由誠而入。由默而成。相
非有靈。靈於寸誠。吾以誠格。非以財臨。守道諸子。
先修汝心。勿肆高傲。勿著頑空。戒暴戒怒。積德積仁
。勸孝於親。勸忠於君。勸信於友。勸和於隣。勸慈於
物。勸恤於貧。莫誇己勝。莫滅他人。富亦無根。何須
自矜。貧豈常貧。何須怨瞋。貧不求諂。富不驕矜。善
善上聲惡去聲。報應昭明。汝若修善。子孫旺興。汝若作
惡。後代凋零。恤孤憐老。戒殺放生。日積月累。必獲

修功。三元保舉。萬聖助成。他年行聲去滿。拔宅超昇。

師宣偈畢。會中百二十人。同聲稱贊。稽首法壇。謝禮。

天真。悉心信受。願體仙師寶經。誓行平等。除三毒。

遠六塵。淨心明性。宏誓師前。時有慶雲和靄。仙樂敷

空。白鶴飛翔。丹霞映室。大眾作禮。敬肅而退。

正宗示教品第四他本作品者非

爾時呂祖復告衆生曰。世幻羣盲不體於無。盡滅於有。

往往求道。著妄迷真。不知道自身來。非身搬運。華嚴

經云。心如工畫師。等清靜緣起。首楞云。以狂性歇。

歇即菩提。聞復翳根除。塵消覺圓淨。涅槃曰。因愛生

憂。因憂生怖。夫爾等怖心。皆從愛生。離此愛海。名

爲真覺。金剛經曰。一切有爲。如夢別作非幻泡音影。如

露如電。應作是觀。汝等久誤頑空。多相多迷。如斯道義。可能覺否。可能行持否。佛名經曰。有愛則生。愛盡則滅。體此生滅。可以共語。非吾博求衆聖以喻。但因三教。人妄分歧。枝葉以譬。懸隔霄壤。根本究叅。同歸一理。心絕塵勞。是爲虛靖。人以釋教。是寂滅道。殊不自知。楞嚴經曰。寂滅者。名一心非息動滅。非生己之滅。識己生處。方知滅處。圓覺經云。慧目肅清者。乃清內境。內境不生。真定性定。性定情靜。便明先天。先天曰。神。凝神於坤。而生藥靈。後天曰。氣。運氣入乾。而還丹功。所謂真性。寂滅不動。感而遂通。以神煉藥。馭氣養神。氣注於神。非卦象形。火種相續。丹鼎常溫。故以天地循環不停。悟圓靜覺。以靜覺

心。不敢幻化。及諸淨相。了知身心。皆爲罣礙。無知覺明。不依諸礙。西方之學。離幻是道。所以天地不言而成。先天真性。來虛無中。後天真定。從忍辱明。兀而默存。凝精化神。蔽物喪志。散氣分靈。不爲物累。以神保精。精依神化。性靜神融。太上有曰。常以無欲以觀其妙。常以有欲以觀其竅。採其欲竅。以合佺妙。故佛世尊曰。以寂滅力而起至靜。住於清靜。吾今說法。天神簇擁。雷火監壇。金童泄音熟香。玉女散瓊。萬聖咸集。滌蕩塵氛。如不信受。官將縛魂。衆生儆戒。誠肅爾心。神不可欺。勿迷孽因。忠貞之道。神鬼咸欽。以道事君。必慎必勤。勿恣怠傲。勿染貪瞋。功德不修。虛湛難聞。塵心未了。仙境難昇。芭蕉獻瑞。是吾闡

靈。示爾京畿。以顯功臣。忠於君者。死節犯顏。殷之
比干。楚之屈原。周之夷齊。夏之龍逢。批鱗逆諫。漢
之汲黯。朱雲。唐之陸贄。魏徵。退隱達士。張良為韓報
忠。范蠡去越全生。守節繼死。諸葛武鄉。別作漢壽亭
卿侯。張巡許遠。顏真杲卿。往古忠烈。垂名丹青。光爭
日月。位列天庭。此段敘述已伏後
演忠孝誥之案阿諛佞諂。事君逢迎
。貪酷於己。剝膏於民。苟圖榮富。為萬世輕。視乎諸
公。輔國忘身。敢不汗顏。赧慙於衷。吾今勸世。為臣
以忠。以忠事君。後裔雲仍。忠以盡己。非誣於人。皇
天無親。親於有德。民罔常懷。懷於有仁。君父之恩。
萬化原根。引賢勉勵。以懲不忠。叅修之士。必先孝忠
。信誠仁德。遜悌謙恭。心正神明。心正慧靈。自有仙

師。度引成功。雖明丹理。不積行功。損他利己。魔來
整音漸靈。凡學修真。必煉乎心。博施普濟。以本以仁。
方便利益。援溺救焚。扶危拯困。樂道信心。修如是功。
。名奏玉庭。虛皇有戒。佞帝有文。金科玉律。毫不容
情。別作私非救民疾苦。恤民饑窮。昔漢天師。米穀收凝。
遇缺乏時。價苦高騰。或以原價。或減濟貧。分毫不增。
。糶之於民。民賴以濟。腹得充榮。成都黃公。紫府登
名。昔許真君。合藥施病。救諸疾苦。獲大深功。昔葛
仙翁。行祭煉法。拔度幽冥。一切有情。皆獲超昇。今
人富貴。自樂肥輕。廐有腴馬。民有菜容。孰能捨財。
宏濟於貧。歷化師真。道得別作德非於心。三官考校。功過
昭明。有功之人。保舉仙成。有過之人。罪縛幽魂。上

昇之士。非一世功。歷劫修來。天性方明。吾取之人。
侍立壇中。皆夙生慶。勿視以輕。當以敬愛。闡吾法門。
。勿執一人。而將道聞。在壇之子。皆有道根。今世愚
人。妄言著魔。寸德不施。期步大羅。誇己若仙。嗜廣
貪多。貪嗜不淨。別作焉出愛河。愛別作行吾道者。莫
擇貴賤。操心以仁。戒性以善。不染貪瞋。勿求己便。
損己潛修。天神眷戀。依此煉修。皇君詔見。吾今闡法
。安執著佞。但絕塵心。道心坦然。廣行陰德。回悟三
元。勿聽朦師。妄行虛叅。一朝氣散。怎得符仙。此身
不修。更待何年。離此不得。魂魄茫然。沒下手處。輪
迴亂穿。爲爾迷失。淚常暗潛。任心不了。吾難訓言。
大丹之理。養氣調元。但安神息。即是胎還。所謂真人

。潛乎深淵。情性爲一。妙理自然。勿聞渺渺。當信虔
虔。信而行之。仙聖同肩。在壇大衆。聞師說已。於是
道一居士稽首座前而作頌曰。至聖玄篇。誨垂法壇。喻
譬三教。集諸聖言。以儒以釋。明我之玄。以忠以孝。
開闡愚頑。大德叅天。仁慈普宣。救衆厄難。別作衆
真詮。大聖大慈。大悲大願。普度羣生。化立經緣。降
我金陵。靈光燦然。有病即痊。有災即捐。勝如父母。
宏顯目蓮。吾等夙因。得聞太玄。感以夢授。錫以判軒
。微音之要。妙不可言。信之者得。悟之者仙。敬述鄙
句。上贊師前。他年行滿。願侍慈顏。爾時道一居士。
同法衆等。稽首壇座贊稱不已。感謝洪慈。焚香共禮。
但見瑞雲如蓋。下馭壇前。異香遍空。氤氳大地。祖已

回鸞。遍村衆生。各家頂禮。人人回善。箇箇參修。異
香到處。諸病不生。家家獲吉。户户呈祥。聖力昭彰。
歡不能盡。悉皆信受。作禮而退。因已廣陵二童啓
刊流通於世上。今所傳焉。取金陵後